

紹
熙
雲
間
志

雲間志序

華亭為今壯縣生齒繁夥財賦

距海北瀕江

四境延袤視偏壘遐障所不逮質之寰宇記輿地廣
志元和郡國圖志僅得疆理大略至如先賢勝槩戶
口租稅里巷物產之屬則闕焉前此邑人蓋嘗編類
失之疏略續雖附見於嘉禾志然闕遺尚多觀
覽余謬領是邑雖日困於簿書期會而此心實拳
今以代有期不加討論以詔來者則歉不滿意若將
終身焉於是邑之博雅君子相與講貫疇諸井里

考諸傳記實言故老有據則書有疑則闕有訛則辯
凡百里之風土聚然靡所不載至若前輩詩文散落
於境內者非一姑撫南渡以前者附于卷末書成而
錄墨公幣匱而莫能舉又得邑之賢士大夫鳩工助
成是書也雖一邑之事未足以廣見聞異時對友朋
則可以資譚麈事

君父則可以備顧問孰謂其無補歟紹熙癸丑仲冬
旦日奉議郎持差知秀州華亭縣主管勸農公事兼
兵馬都監兼監監場主管堰事借緋揚

雲間志目錄

卷上

封域
城社
坊巷
學校
姓氏
廨舍
倉庫

道里
鎮戍
鄉里
版籍
物產
場務
稅賦

卷中

橋梁
人物

亭館
古跡

僊梵

寺觀

祠廟

山

水

堰閘

冢墓

知縣題名

進士題名

特奏名附

卷下

賦 墓誌 序 銘 祭文

詩 記 說 箴

雲間志三卷以紹熙四年六月編次十月書成預纂
修者書氏名于右

從事郎新差監行在太平惠民南局朱瑞常

迪功郎新信州州學教授林

主

迪功郎新饒州州學教授胡

林卿

奉議郎特差知秀州華亭縣主管勸農公事兼兵馬
都監借緋楊潛

雲間志上

封域

華亭在禹貢為揚州之域在周為吳地吳滅入越越滅入楚秦併天下分三十六郡始屬會稽郡漢世因之順帝永建四年分浙江以東為會稽郡西為吳郡華亭雖吳郡地猶未見之史傳孫氏霸吳盡有其地建安二十四年封陸遜為華亭侯始見之吳志矣晉宋齊梁未之改易隋平陳始置蘇州迨唐天寶十年以華亭為縣屬蘇州治按新史寰宇記以為本嘉興

縣地與地廣志以為本崑山縣地。崑山即漢婁縣地。大同初易今名。

元和郡圖志云吳郡太守趙居貞奏割崑山嘉興海

鹽三縣為之。今邑之四境與三縣接。郡國圖志為不

証矣。僖宗入蜀時群盜繫結王騰據華亭。唐周寶傳王敦據崑

山王騰據華亭。寶練卒自守。發杭州。其後吳越王

錢鏐遣顧全武拔之。自此地入吳越。按九國志顧全武平嘉興取崑

山雖無拔華亭事。通鑑乾寧四年錢鏐遣顧全武取

蘇州乙未拔松江。戊戌拔無錫。辛丑拔常熟。華亭

晉天福五年以嘉興縣為秀州而割華亭隸焉。按置

五代史云晉天福中竄守記以為四年吳越備史五

年三月敕升嘉興為州而以華亭及新羅崇德隸焉。

月傳拜云至於縣之得名通典寰宇記云地有華亭
谷因以為名按陸遜傳遜初封華亭侯進封婁侯次
江陵侯漢法十里一亭十亭一鄉萬戶以上或不滿
萬戶為縣凡封侯視功大小初亭侯次鄉縣郡侯以
遜所封次第攷之則華亭漢故亭留宿會之所也漢
二百九千六百六十五吳所封亭侯
如西亭烈亭東連亭新城亭之類今縣有華亭鎮
印或者遂謂自鎮為縣不知所謂鎮者唐因隋制置
鎮將副以掌捍防守禦之事縣之冗職耳通典隋置
職甚早唐用之有上中下
新史以防子多家公之
唐季五代或用土豪小校

為之、舉吳郡為縣、常山、常魚、子海、並吳、江、皆有鎮。

工取、常山、常國初鎮將雖存、而縣令及尉實掌其權。

將用、節度、親隨、為之、九事、專迫、於州、縣、史、失、職、建、隆、

止、統、在、縣、大、平、興、同、中、用、本、州、牙、吏、耳、奇、華、亭、在、吳、

鎮、行、蓋、始、於、此、祥符圖經載鎮在西南二百步

而元豐九域志則廢矣。按祥符圖經、常山鎮、在縣東、

吳、江、鎮、在、縣、下、九、域、志、皆、廢、元、祐、間、大、史、范、公、祖、馮、

北、鄉、長、鎮、村、如、自、鎮、而、為、縣、則、新、史、與、地、志、諸、書、不、

應略而不言也。若夫雲間之名、則自陸士龍對張茂

先所謂雲間陸士龍一語云

道里

邑之四垂祥符舊經書之詳矣至於去州遠近考之元和郡國圖志元豐九域志不能無少異者蓋元和云百七十里舉蘇州而言也元豐云百二十里舉秀州而言也若夫四止八到大抵皆水程云

縣境東西長一百六十里南北闊一百七十三里東至海八十里西至平江府長洲縣界八十里南至海九十里以小官浦為界北至平江府崑山縣界八十

里東南到明州界九十里西南到海鹽縣界六十里

西縣相去一百二十里 東北到平江府崑山縣界一百十里

相去一百三十里 西北到平江府崑山縣界一百五十里

相去二百里

城社

縣之有城蓋不多見、華亭邑于海墻、或者因戍守備禦而有之、紹興乙亥歲、酒務鑿土得唐燕胃婁朱氏墓、碑以咸通八年定于華亭縣城、西一里、鄉名修竹、是唐之置縣、固有城矣、廢興之由、莫得而詳、疆尚考

鬣可識云

縣城周回一百六十丈。高一丈二尺，厚九尺五寸。
古城在縣西南六十里。

按祥符圖經載古城，今未詳所在。

社壇在縣西北二里。

鎮戍

華亭襟帶江海上，而吳晉近，而吳越。嘗築城壘，置防戍，所以控守海道者至矣。今泆海鎮寨，倍於他邑，是亦得制上流之意云。

青龍鎮去縣五十四里。居松江之陰。海商輻輳之所。鎮之得名莫詳所自。惟朱伯原續吳郡圖經云。昔孫權造青龍戰艦。置之此地。因以名之。

國朝景祐中。置文臣理鎮事。以右職副之。今止文臣一員。

政和間。改曰通惠。

高宗即位。復為青龍云。

管界水陸巡檢司。在青龍鎮中。

金山巡檢司。在縣東南九十里。

威滌巡檢司在縣東南一百里
杜浦巡檢司在縣東北七十里

坊巷

坊巷之名皆因俗之舊非有遺迹故事也今生齒繁
阜里閭日闢所誌者特存其舊耳顯善勸義二坊則
令揚潛因邑人之孝義者特表之以感化里俗云

石獅巷在縣東一百二十步

石條巷在縣東六十步

倉橋巷在縣東一百步

郭門巷在縣東一百七十步

鹽倉巷在縣西二十步

廣明巷在縣西四十步

前巷在縣西六十步

後巷在縣西八十步

亭橋巷在縣西一百三十步

東私路巷在縣西二百五十步

西私路巷在縣西二百六十步

福順廟巷在縣西三百步

莫家巷在縣西三百五十步

竹木巷在縣南二十步

城隍廟巷在縣南五十步

廟巷在縣南六十步

金山忠烈廟巷在縣南七十步

石碑巷在縣南八十步

紀家巷在縣東南一百三十步

毬場巷在縣東南一百五十步

石幢巷在縣西南一百五十步

童家巷在縣西南一百八十步
陸家巷在縣西南二百三十步
丘家灣在縣東北一百八十步
田家灣在縣西南三百五十步
顯善坊在縣東南二百五十步
勅義坊在縣西南五百四十步

鄉里

按祥符圖經元豐九域志華亭管十三鄉寰宇記云
舊十鄉今十七鄉考縣之諸鄉與舊經九域志同然

唐顧府君墓誌墓北平鄉丘府君墓誌墓昌唐鄉以
道里考之北平今北亭也昌唐今仙山也又舊傳修
竹本谷陽鄉三者廢易年月未詳

集賢鄉在縣西北二十里三保五村管里四

集賢 萬安 美賢 清德

華亭鄉在縣東北四十里三保七村管里二

華亭 旗亭

修竹鄉在縣西九十里三保十二村管里三

濮陽 儀鳳 驅塘

胥浦鄉在縣西南五十里三保九村管里五

胥浦

壇浦

平江

字三朱涇

治

風涇鄉在縣西南六十里三保八村管里三

風涇

涂繆

養民

新江鄉在縣北七十里四保十二村管里二

新江

崧宅

北亭鄉在縣東北八十里四保十六村管里三

崧子

北亭

封林

海陽鄉在縣西北九十里四保十一村管里二

蘊土

漢成

高昌鄉在縣東北一百二十里九保十五管里四

高昌 盤龍 橫塘 三林

長人鄉在縣東九十里六保十二村管里三

長人 將軍 高陽

白砂鄉在縣東南一百二十里三保十村管里三

白砂 九稜 橫林

仙山鄉在縣東南三十里三保六村管里六

仙山 顧亭 新涇 柘湖 少平 臨湖

雲間鄉在縣東南一百里四保十村管里四

招賢 白苧 雲間 小平

學校

學舊有記五嘗攷其本末天禧間有夫子廟而已湫隘庠陋旁不可為齋館後六十有五年陳侯謚始欲興學邑人衛公佐公望獻縣之東南地且自度殿材為買國子監書以資諸生如是數年至今劉鵬始克就緒學之成其難也如此紹興以來揚壽亭周極侍其銓相繼修之今學會整好什百具備學糧租錢視

他處為厚

國家所以養士者可謂無負矣

在縣東南二百步堂曰明倫齋五曰居仁由義隆禮

育才養性

堂舊名進德今
楊潛改今名

版籍

莘亭置縣始於天寶唐史志地理蓋舉天寶之盛而
言之蘇州所統縣七今秀州之地皆屬焉其為戶七
萬六千四百二十一口六十三萬二千六百五十
國朝九域志所載秀州四縣之籍戶十三萬九千一

百三十七視唐蘇州七縣之數幾倍之美華亭一邑
舊圖經所書主戶五万四千九百

四十三今見管戶九万七千

姓氏

左太冲吳都賦云其居則有高門昂貴魁岸豪傑虞
魏之昆顧陸之裔注謂虞魏顧陸皆吳之貴姓陸士
衡吳趨行云八族未足侈四姓實名家注引張勅吳
錄曰四姓朱張顧陸也按虞魏朱張槩為吳郡人而
顧陸特華亭著姓洪慶善世說叙錄述吳郡顧氏而

別族者三莫知其世次野王則其一也陸氏則自漢
之東世為名族吳晉以來或以功業顯或以才學稱
以唐宰相世系攷之玩之子始號大尉枝其後有元
方象先希声瑁之孫瓘號侍郎枝其後曰贊曰展此
其源流遠矣

物產

華亭負海枕江原野衍沃川陸之產兼而有焉李翰
化田紀績頌謂嘉禾在全吳之壤最腴且有嘉禾一
稼江淮為之康等語今華亭稼穡之利田宜麥禾陸

宜麻豆其在嘉禾之邑則又最腴者也縣之東地名
鶴窠舊傳屋鶴故陸平原有華亭鶴唳之嘆陸鶴銘
謂壬辰歲得於華亭劉禹錫鶴歎詩序亦云白樂天
罷吳郡挈雙鶴雛以歸翔舞調態一符相書信華亭
之尤物也太平寰宇記稱華亭谷出佳魚蓴菜陸平
原所謂千里蓴羹意者不獨指太湖也其有資於生
民日用者蓴水成鹽殖蘆為薪地饒蔬茹水富蝦蟹
船貨所輳海物惟錯茲土產大略也寰宇記又於崑
山縣載吳地記云石首魚冬化為鳧小魚長五寸秋

社化為黃雀斯言固涉迂恠然今華亭亦多野鳧棟
始華而石首至霜未降而黃雀肥豈非縣本崑山之
地故歟

廨舍

縣自宰貳而下邑僚凡十五員四鹽場四巡檢之居
邑外者不與焉公宇之視他邑亦盛矣舊有提舉市
舶廨舍在縣之西乾道二年併舶司歸漕臺今廢縣
治在市場東北五十步因大門為之樓其

手詔亭頌春亭皆在門外之東徧正廳之前因中門

為 勅書樓架閣有東西樓在兩廡間東廡分列諸

吏舍西廡則諸庫分隸焉

縣丞解舍在縣西一十步

主簿解舍在縣西七十步

縣尉解舍在縣東二百三十步

監鹽解舍在縣西南三百步

監酒解舍在縣西三百步

造舟場官廨舍在縣西南五百四十步
布船務監官廨舍在縣西南二百九十步

監稅解舍在縣西七百一十步

支益官廨舍在縣南二百一十步

場務

利之在官者輕為之名色則其後卒不可去為他日無窮之弊邑之版帳其初已難辦紹興間為邑者額外釀酒以求辦其數州家以為擅其利也盡拘為月椿於是酒額幾倍前日歲未免敷之於民乾道中始議蠲減而以南四鄉苗稅折錢補之若夫減民生日用之稅則自高宗紹興以來而然版帳本州坐下一歲錢二十一萬九千五百二十六貫五百文而諸邑

沈拋主管司縣官俸給支遣不預高酒務清糶界租
額六万六千二百五十貫一百四十八文

通年起辦一十一万五百八十九貫一百六十七文
稅務租額六萬一千七百一十三貫七百七十四文
自紹興以來捐柴薪麥麵等稅外歲合起辦四万八
千四百六十三貫七百七十四文

住賣茶遞年九十万一千七百一十九斤

住賣鹽遞年六十九万九千九百斤

住賣香遞年三十二斤一十一兩一錢

住賣礬逸年一千八百五十斤

鹽監統縣租額五十四萬七千三百四十九碩九刻九

勝五合

酒務在縣西五百九十步

平準務在縣西今廢

稅務在縣西七百步

東稅務在縣東八百步

市舶務在縣西六百步

造船場在縣西南五百四十五步

金山稅場在縣東南九十里

浦東鹽場監官廨舍在縣南七十里

浦東場在縣南七十里

金山場在縣東九十里

遮山場在縣東七十里

柘湖場在縣南七十里

橫浦場在縣南七十里

袁部鹽場監官廨舍在縣東南一百里

袁部場在縣東一百里

六鶴場在縣東九十里

橫林場在縣東一百里

蔡廟場在縣東南一百里

戚滌場在縣東南一百里

青村盜場監官廨舍在縣東九十里

青村南盜場在縣東九十里

青村北盜倉在縣東九十里

下砂盜場監官廨舍在縣東南九十里

下砂南場在縣東南九十里
下砂北場在縣東南九十里
大門場在縣東南一百里
杜浦場在縣東南八十里
南澗鹽場在縣東北一百二十里去縣既遠江灣場
受納人戶產稅則屬本縣

倉庫

秀屬邑四而華亭租賦視他邑為最歲盡歸於郡倉
無復輸於邑者昔劉發記濟民倉謂民之輸於州者

以為勞我顧築倉於縣以時其入今也不然豈時異
而事不同耶監倉三本屬常平茶監司因附書焉
濟民倉在縣西湖之東北嘉祐八年建

常平倉在縣南一百五十步元佑元年建乾道八年
廢併入濟民倉今為支監官廨舍

北監倉在縣西北三十步

西監倉在縣西湖之東乾道七年廢併入北監倉
支監倉在縣西北三十五步乾道六年閏五月奉

朝旨移置本縣

轉般倉在縣東南三十六里張涇堰之下乾道八年
置專為浦東運益設也

諸色官錢庫在縣治之西廡

稅賦

諸鄉稅租輕重大略與隣邑無大相過若夫雲間仙
山白砂胥浦四鄉歲輸秋租獨為緡錢者自鹹水為
害四鄉皆為斥鹵之地乾道中既築堤堰民漸復
業會邑人以酒額虛數告病時參政錢公良臣請於
朝乞捐減酒額且以南四鄉租稅償之苗碩為錢三

千省視北九鄉稍優惟是隸於版帳月解之數民未
免先期而輸亦其勢然也

夏稅

一十五萬三千三百五十三貫一百十五文

秋苗

粳米一十一萬二千三百一十六碩九斗一勝四
合六勺一抄

橋梁

跨川為梁澤國居多故吳中三百九十橋見於梁天

篇詠所從來舊矣華亭環邑皆水須橋以濟且以顧
會一浦觀之紹興乙丑歲浚治此浦於河之東建石
梁四十有六他可知已今縣治之內砥石甃甃若架
木而成者數踰七十不可殫紀姑舉通衢之高大者
揭名左

縣橋在縣南一十步

市橋在縣西三十步

舊米倉橋在縣東二百二十五步

震橋在縣東二百三十五步其上飛宇翼然俗呼為

東亭橋又名虹橋政和間邑宰姚舜明謂王位頗
虛作亭以鎮之

郭門橋在縣東二百三十步

廣明橋在縣西二十步

望雲橋在縣西七十步

大吳橋在縣西北二百五十步

妙明橋在縣西北二百五十八步

西亭橋在縣_市二百八十步飛閣於上今名麗澤橋

普照寺橋在縣西二百八十步

悅安橋在縣西四百八十步橋側鐫一佛字稍大俗呼

佛字橋

坊橋在縣西五百九十步

平政橋在縣西六百二十步

長壽橋在縣西七百五十步

太平橋在縣西南五百四十步

合掌橋在縣西南四百一十步

德風橋在縣西南四百七十步

塌湖橋在縣西南五百步在陸翊春魚池西南

——即今之西湖

沙家橋在縣西南四百步

丁行橋在縣西南二百七十步

三橋在縣西南二百五十步

鳳凰橋在縣西南二百九十步

新橋在縣南二百八十步

迎仙橋在縣東南四百步

望仙橋在縣東南四百步

米市橋在縣東南三百三十八步

莊老橋在縣東南二百五十步

居士橋在縣西北三百五十步

東榮橋在縣東七百二十五步

張塔橋在縣東八百十步

明星橋在縣東一千一百十步

永安橋在縣西北三百七十步

淨土橋在縣東南四百十步

通利橋俗名俞塘在縣東北五里以下四橋在縣之
外

安就橋跨古浦塘在縣西三里俗呼跨塘橋

通濟橋在縣西南四十八里跨古泖俗謂泖橋長六

百尺廣一丈

鳳凰橋在縣西北二十七里跨顧會浦西接鳳凰山

之尾因山得名

古鳴鶴橋在縣東北岡身吳越武肅王錢氏造華嚴
院于此今呼為北板橋

亭館

古者君子必有游息之所舒廣其視瞻清寧其心志

非以為觀美也邑之亭館無幾廢者不復與存名稱
屢易而棟宇勿治其暇為觀美哉姑志之以俟後之
思舊者

芳蘭堂

縣治之中堂政和中令姚舜明為之記
思齊堂

舊曰弦歌堂在縣治之東朱之純集有縣齋詩序
元祐庚午令彭城劉鵬新其堂曰弦歌亭曰三山
閣曰良閣今曰思齊未詳改易年月

東堂

舊曰三山堂在縣之東偏亭下有三山在水中朱
之純有三山亭詩即此也其後有改曰昭年者紹
興中陳祖安為令溫大著華為易今名溫有東堂
詩鳴琴拂榻此遊衍作詩何止誇釐年即此堂也

招鶴亭

舊曰良閣在縣東偏朱之純良閣詩畫閣峩然冠
群巒更瞻良地特噴屹今日招鶴未詳改易年月
盡心堂

在縣治西偏真詳建立年月初政和間姚舜明為
邑撫摩其民無所不盡其敬嘗以元豐
斷獄
之制書而揭之獄乾道八年令陳明始移置堂之
中榜曰尽心蓋取吾夫子所謂刑者侗也侗者成
也一成而不可變故君子尽心焉之意且自為之
記其後葉仲英始改曰琴堂

思堂

在丞廳本舊益監章棠質夫為益監官作思堂於
公宇東坡及質夫族人望之為記今廢

樓鸞

在薄廳東偏乾道元年簿鄭茂建

公餘風月

在薄廳後嘉定九年簿四明陸厚建

折桂閣

在尉廳之中天至四年秉義郎縣尉江炳建右文
殿修撰李公夔元豐初為尉時生大丞相忠定公
綱於此俗因呼為相公閣淳熙十一年尉丞清允
改曰折桂今廢

夢燕堂

嘉定十二年尉鄱陽洪佃即相公閣之故基建堂於其上取唐張燕公事榜以今名

西亭

在尉廳西偏皇祐四年秋鄭方平造紹興間太師嗣秀王伯圭為尉時重建後尉巫清允再修改曰易春繼復傾圮扁榜不存嘉定十三年尉洪佃復新之仍立舊名

進禪

尉丞清允建後廢嘉定十三年尉洪個杖東廡一
室以舊名榜之

敬齋

尉丞清允建後廢嘉定十三年尉洪個闢夢燕堂
之西揭以舊名

梅館

在縣廳西偏淳熙四年尉李昌建

風月堂

在橋船司前瞰瑁湖水光風月在几案間蓋一勝

效也初毗陵胡公承美為之名蓋取白樂天水檻
虛涼風月好之語後鄱陽洪君邦佐始葺而新之
曾文清公幾有詩曰雖多不用一錢買縱少足供
千首詩今廢

湖光亭

在舊船司風月堂之西偏曾文清公幾有詩曰一
天倒影澄秋色萬頃浮波浸月華今廢

亦足堂

在造船場乾道元年孫紹遠創且為之記

雲間館

在縣西六百步建矣二年建今廢

濯纓亭

在縣南一十步紹興三年建

谷陽亭

在縣西門外五里乾道七年令堦觀建

人物

雲間人物自東漢有聞焉陸康之祖續以獨行善之祖閔建武中為尚書令范史稱會稽吳人世為族

姓逸而上之其先十一世祖陸烈為吳令豫章都尉
葬于昏亭子孫遂為吳人此則胤雲先世也推而下
之玩之元孫慧曉仕齊終輔國將軍自玩至其孫万
載世為侍中皆有名行時人方之金張慧曉三子僚
任僅並有美名時謂三陸慧曉凡子曰閑為揚州別
駕四子厥絳完襄完生雲公中書黃門即其後有曰
壘曰琰曰瑜曰玠曰琛者皆閑之裔史各有傳俱云
吳人雖為陸氏子孫然安知其悉居華亭耶按刘璉
至吳聞張融与慧曉並宅其間有池命駕往酌則慧

晚已居吳郡矣。舊圖經嘉禾志所載人物止及冢墓
之在茲邑者。而顧野王陸禕地闕不著。今倣其舊而
補所遺。烏唐錢起考功送陸贄擢第還蘇州詩云。御
路歸何早。雲間喜擅名。又云。華亭恭仙羽。計日再日
飛。鳴據雲間。華亭等語。則宣公之先疑亦有華亭居
者。然宣公生於天寶。以後史傳稱嘉興人。故不復載
若地。

聖朝人材之盛。未易遽數。有

國史家傳在。特書不一書。尚竢未者。

後漢陸康字季寧吳郡吳人少仕郡以義烈稱舉茂
才除高成令以恩信為治寇盜六息光和元年遷武
陵太守轉守桂陽樂安二郡所在稱之拜廬江太守
申明賞罰破賊黃穰等灵帝嘉其功拜康孫尚為郎
中少子績

吳陸績字公紀幼年曾謁袁術懷橘墮地者容貌
雄壯博學多識星歷算數無不諳覽孫權辟為奏
曹掾以直道見憚出為鬱林太守加偏將軍雖有
軍事著述不廢

陸遜字伯言祖紆敏淑有思學守城門校尉父駿淳
懿信厚為邦族所懷官至九江都尉遜少隨從祖廬
江太守康在官袁術與康有隙將攻康 遣遜及親
戚還吳遜年長於績為之綱紀門戶呂蒙謂孫權曰
陸遜意思深長才堪負重覘其規慮終可大任權乃
召遜拜偏將軍右部督代蒙屯陸口後克公安南郡
拜撫邊將軍封華亭侯是歲建安二十四年也又以
功進封姜侯黃武元年為大都督大破劉備於夷赤
鳥七年為丞相卒追謚昭侯

陸抗字幼節，避子也。建興元年，拜奮威將軍、建衡二

羊都督。信陵、西陵、夷道、樂鄉、安安諸軍事。治樂鄉。鳳凰元年，晉車騎將軍羊祜祐率師向江。陸抗棄江陵，赴西陵，破走晉。荊州刺史楊肇遂陷西陵，歿無矜色。謙冲如常，故得將士歡心。抗告其邊戍，各保分界。於是吳晉之間，餘糧糶畝而不犯牛馬，迭而入境，可宣告而取。抗與祜祐有僑札之好。二年，拜大司馬、荊州牧。卒。子晏，景玄。机，雲。分領抗兵。景字士仁，拜騎都尉，封毗陵侯。偏將軍，澡身好孝，著書教

十篇

陸凱字敬風丞相遜族子也黃武初為朱吳諸暨長
所在有治迹拜建武都尉領兵雖統軍衆手不釋
書五鳳二年拜偏將軍封都御侯 監魏綏遠將
軍征北將軍鎮西大將軍進封嘉吳侯寶島元年
遷左丞相乃心公家義形於色表疏皆指事不飾
忠懇內發建衡元年卒

陸瑁字子璋丞相遜弟也少好學篤義州郡辟奉皆
不就嘉禾元年公車召拜議郎選曹尚書孫權欲

新征公孫淵瑁再上疏諫權嘉其詞理端切遂不行于喜字文仲亦涉文籍好人倫吳選曹尚書香散騎常侍

陸偉凱子也為黃門侍郎偏將軍凱亡後入為太子中庶子華覈表薦禕曰禕體質方剛器幹彊固華率之才魯肅不過在戎果毅臨財有節初孫皓常銜凱數犯顏忤旨又陸抗時為大將故以計容忍抗卒後竟徙凱家於建安天紀二年與從弟式召還建業復將軍候

按征北將軍陸禕墓碑云字元容赤烏六年徵宿
衛郎中後遷立義都尉五年郎中騎都尉遷黃門
侍郎封海鹽侯晉平南境爾乃撫戎入賓皇儲而
吳志止附見凱傳凱嘗為征北將軍至於天紀二
年陸禕召還建業後將軍侯乃見於陸胤傳末豈
禕亦嘗襲封征北侯于海鹽天紀中復其舊爵而
史失其傳耶

晉陸機字士衡吳郡人也父抗吳大司馬机身長七
尺其声如鍾少有異材文章冠世伏膺儒術非礼

不動抗卒領父兵為牙門將後成都王穎討長沙
王入假机後將軍河北大都督為孟玖等譖於穎
言其有異志使牽秀密收机秀異至機釋戎服著
白恰謂秀曰成都命吾以重任辭不獲已今日受
誅豈非命也因与穎牋詞甚悽惻然而歎曰華亭
鶴唳豈可復聞乎遂害於軍中

弟雲字士龍六歲能屬文性清正有才理少与兄机
齊名雖文章不及机而持論過之號曰二陸幼時
吳尚書廣陵閔鴻見而奇之曰此兒若非龍駒當

是鳳雛年十六舉賢良吳平入洛成都王穎表
清河內史後上雲使持節大都督前軍為孟玖所
怨穎殺之

晉陸暉字士光吳郡吳人也少有雅望從兄机每稱
之曰我家世不乏公矣元帝鎮江左辟為祭酒
太子詹事時帝以侍中督北士宜兼用南人暉以
清正著稱遂拜侍中徙尚書領州大中正明帝即
位累遷至錄尚書事加散騎常侍成帝踐祚拜光
祿大夫後因歸以疾卒贈侍中謚曰穆

陸玩字子瑤暉弟也器量淹雅弱冠有美名尚書左僕射領本州大中正及蘇峻反道玩與兄暉俱守宮城玩潛說康術掃以功封興平伯轉尚書令又詔授左光祿大夫開府儀同三司加散騎常侍

陸監字始明璩之子少而隱靜方直抗烈除後將軍司馬以功封西陽亭侯

陸景文字叔辯初為安吉令遷太守卒

陸宏績之長子會稽南郡都尉

顧晔王字希馮吳郡吳人也祖子喬梁東武陵王府

參軍事父烜信威臨賀王記室以儒術知名野王編
觀經史精記默識天文地理著龜占候虫篆奇字
無所不通又善丹青陳天嘉中領大著作掌國史
後為黃門侍郎光祿卿卒贈祕書監右衛將軍有
玉篇三十卷輿地志三十卷國史紀傳二百卷文
集二十卷

古跡

雲間所謂古跡往：多自袁陸之舊其後又有顧希
馮居縣之東南道趾在烏景祐間侍讀唐公詢為

邑嘗案舊經為十詠今祥符圖經反不及焉母乃唐公所取有別本即祥符所記踈略甚矣間

二可取今合二家書參之傳記以補其遺其先後一以歲月為序若夫田夫野叟指某水曰始於某人某丘曰始於某人似若可聽卒無所稽據闕而不書以俟後之博洽者

金山城

在縣南八十五里高一丈二尺周回三百步舊經昔周康王東遊鎮大海遂築此城南接金山因以

為名

吳王獵場

舊圖經云吳王獵場在華亭谷東吳陸遜生此子
孫嘗所遊獵後人呼為陸茸其地後為桑陸按陸
龜蒙吳中書事詩云五茸春草雉媒嬌注謂五茸
者吳王獵所茸各有名今所謂陸搯茸豈其一耶

閩閭城

寰宇記云袁崧城東三十里夾江又有二城相對
閩閭所築備越虜

秦始皇馳道

在縣西北崑山南四里相傳有大堙路西通吳城
即馳道也輿地志云秦始皇至會稽句章渡海經
此按漢賈山至言秦為馳道徧於天下東窮無齊
南極吳楚此所謂馳道之麗非耶

柘湖

舊圖在歸南縣七十里湖中有小山生栢柘樹因以為
名吳越春秋元和郡國圖志海鹽李本秦縣漢因之
其後歸城縣陷為柘湖移於武原鄉後又陷為當湖

宋武帝紀晉隆安五年孫恩北出海鹽帝築城于
故海鹽思知城不可下進攻滄瀆則嘗於是築
城矣又吳地記時有女子入湖為神湖周四五
千一百一十九頃其後塞昏為蘆葦之場今為

陸機宅

陸士衡贈從兄車騎詩髣髴谷水陽李善引陸
道吳地曰海鹽縣東北二百里有長谷昔陸
遜陸凱此元和郡國圖志華亭谷在縣西三十
五里陸抗宅在其側故遜封華亭侯太平寰宇記

二陸宅在長谷谷在吳縣東北二百里谷周回百餘里谷水下通松江昔陸凱居此谷吳地記云漢廬江太守陸康與袁術有隙使姓遜與其子績率宗族避難居于是谷舊圖經云華亭谷水東有崑山相傳即其宅合是數說觀之世傳普照寺為二陸宅非也然建康亦有陸机宅建康實錄云在縣南秦淮之側李太白題王處士水亭云齊朝南苑是陸机宅按吳主孫皓徙都建康机嘗分領父兵為牙將得非机仕於朝則居建業而華亭迺其

里第耶又有八角井按九域志在機宅之側

陸瑁養魚池

唐彦猷華亭十詠按舊圖在縣西今名瑁湖卽陸瑁所居相傳有宅基存焉而大中祥符圖經瑁湖在縣西北三十五里周圍九里吳尚書陸瑁養魚池因以為名今縣之西南隅有廣_所廣三里卽瑁湖也中有堂基今為放生池

黃耳冢

述異記陸機少時頗好獵在吳有家客獻快犬曰

黃耳機仕洛常將自隨此犬黠慧能解人語机久
無家問為書盛以竹筒繫犬頸走向吳到機家得
荅復馳還洛後犬死還葬機家村南二百步聚土
為墳村人呼為黃耳冢按商芸小說云後分華亭
村南為黃耳村以犬冢為號烏獨刈貢父詩詒疑
以黃耳為僕未知何所據也

滄瀆壘

舊有東西二城東城廣方餘步有四門今徙於江
中餘西南一角西城極小在東城之西北以其兩

旁有東西蘆浦俗遂呼為蘆子城按瀆之有壘舊
矣晉史虞潭傳潭為吳國內史成帝時軍荒百姓
飢饉潭修瀆瀆壘以防海寇又通鑑晉隆安四年
冬十一月吳國內史袁崧築瀆瀆壘以備恩明年
恩陷瀆瀆崧被害寰宇記以為袁崧城在縣東百
里城在瀆瀆江邊今為波濤所衝半毀江中

築耶城

在縣東三十五里高七尺周回三百五步舊經曰
晉左將軍袁崧所築今遺址尚存

袁崧宅

在縣西北三十五里舊經云昔袁崧居此因以為名按晉史袁崧傳崧陳郡陽夏人則其始末嘗居華亭也隆安四年為吳郡太守嘗築滄瀆壘以禦孫恩明年崧被害於滄瀆或者崧之後就居於此乎

烽樓

在顧亭林南按法雲寺記載唐隰州司倉支令問妻曹夫人墓誌云葬之顧亭林市南烽樓之側今

亭林南岡阜相望即古者泐也築臺奉烽燧之地
寰宇記南帶海上有烽火樓基吳時以望海處今
其遺址尚存世傳亭林崗隴顧侍郎墓非也祥符
吳郡圖經顧侍郎在吳縣西南三十五里橫山東
則當以曹氏墓誌為據

顧亭林

中

舊經顧亭林湖在東南三十五里湖南又有顧亭
林陳顧野王居此因以為名焉今為寶雲寺寺有
伽藍神記云寺南高基野王曾於此修輿地志今

傳以為顧野王讀書墩

陳朝檜

在淹漬靜安寺殿庭之左右世傳以為陳朝檜對

植殿庭之左右陸龜蒙皮日休有重北主寺祖雙

檜詩即此也政和間朱勗圖以進有旨遣中使取

之時中使欲毀三門而去一夕風雨震雷忽碎其

一今殿右者尚存葉夢得避暑錄以為朱冲畫旨

取平江白樂天手植檜与葦亭悟空禪師塔前檜

皆唐時故物石林以為悟空禪師塔前悟美按臨

安志悟空塔亦有隻檜東坡詩所謂當年隻檜似
隻童者然其藍官耳

王可交升仙臺

在隆福寺前遺址尚存按續仙傳可交初居松蘿
南後入四明山不復出初無上升之事或傳為王
淡交淡交不事繩檢能為詩語多滑稽似傲世者
然江上有感行詩石刻云王可交升仙壇則或者
之說又未然也

寒穴泉

在金山山居大海中鹹水浸灌泉出山頂獨甘冽
朝夕流注不竭毛澤民作寒穴泉銘以為與惠山
泉不可分等差王介甫唐彥猷梅聖俞皆有詩

白龍洞

在橫雲山西南絕頂洞口闊三丈其深不可知山
之半有祭龍壇方丈許歲旱嘗禱焉按朱之純文
集皇祐 吳公及 宰華亭浙西旱蝗蘇秀為甚
公禱橫山之神即致甘雨蝗不入境

白苧城

在縣南四十里高一丈周回一萬步馮經云地生
野苧因以為名今俗云白苧淮

古岡身

在縣東七十里

海松江長一百里入土數尺皆螺蚌殼世傳海
中湧三浪而成其地高阜宜種蕪菽麥朱伯原吳
郡圖經所謂瀕海之地岡阜相屬俗謂之岡身此
天所以限滄溟而全吳人也

孔宅

在縣北七十五里海隅淳熙間居民浚河得一碑
云天寶六年黃池縣令朱氏葬于崑山縣全吳
鄉孔子宅之西南孔宅之名舊矣今其地有夫子
廟在慧日院側淳熙間院僧疏廟墮渠得宝玉九
六事三璧二環一簪今藏之縣庠舊圖經云昔有
姓孔者游吳居此蓋吾夫子未嘗適吳以闕里譜
系攷之孔氏二十二代潛後漢太子少傅避地會
稽遂為郡人二十九代滔梁海鹽令三十二代嗣
哲隋吳郡主簿三十四代

仁 犯 頓
字 球 名

隋蘇州長史

豈孔氏子孫有僑寓官游於吳而遂居華亭者耶
亦猶建康有孔子巷迺聖亭侯所奉之廟蓋子孫
即所居立先聖廟耳今廟側又有梁紇廟其為子
孫奉祀之地明矣所瘞璧玉簪佩之屬意其孔堂
之遺寶得非子孫葬先聖衣冠室壁於是地乎然
其旁有宰我北微今之嫌名願淵井此則因孔宅之名而遷
合傳會未可知也舊圖經又云晉鄒湛亦嘗居焉
亦名鄒孔宅按鄒湛傳南陽新野人湛嘗見一人
自稱甄舒仲乃悟曰吾宅西有積土敗瓦其中必

有死人檢之果然厚加飲奠初不言宅在何地
未嘗仕至吳中姑存此以闕疑

雲間志上